



BOLETÍN RSU MARZO 2020

UNIVERSIDADE DE VIGO.

UNIVERSIDADE DE VIGO



Intre antes da saída da pasada edición.

A CARREIRA DA FELICIDADE REGRESA AO CAMPUS O 26 DE ABRIL

M. DEL RÍO DUVI 02/03/2020

O 26 de abril regresa ao campus de Vigo a carreira HappyGoRunning Cidade Universitaria, que cumpre 14 edicións como a cita deportiva máis clásica da Universidade. Tras a pasada edición, na que houbo que adiantar a probar un día ao coincidir coa celebración das eleccións xerais, a cita volve celebrarse en domingo e a organización agarda volver a cifras de participación de anos anteriores, nos que se superaba o medio milleiro de persoas. [+info.](#)



A investigadora de EphysLab Marisela Des ofreceu unha conferencia na Ecimat

O EFECTO DO CAMBIO CLIMÁTICO SOBRE OS ORGANISMOS VIVOS NAS RÍAS BAIXAS CENTRA UN NOVO RELATORIO DO CAFÉ CON SAL

DUVI 03/03/2020

Baixo o título *How will climate change affect living organisms in the Rías Baixas?* a investigadora predoutoral do grupo EPhysLab (Environmental Physics Laboratory, CIM-UVigo) Marisela Des Villanueva ofreceu este mediodía un relatorio dentro do ciclo Café con Sal, no que presentou a aplicación do modelo numérico Delf3D á costa noroeste da península ibérica, explicando as fontes de datos, o seu funcionamento e a súa aplicación para determinar o comportamento do afloramento ante o cambio climático. [+info.](#)



A actividade desenvolverase o mércores 11 no Pavillón Universitario

DEPORTE PARA CONMEMORAR O DÍA INTERNACIONAL DA MULLER

DUVI PONTEVEDRA 04/03/2020

Sumarse á conmemoración do Día Internacional da Muller, que se celebra este domingo 8 de marzo, cunha iniciativa que buscase ao mesmo tempo fomentar a práctica actividade física entre a comunidade universitaria son os dous obxectivos da iniciativa impulsada pola Área de Benestar, Saúde e Deporte da Universidade para o vindeiro mércores 11 no Pavillón Universitario. [+info.](#)



Laritzza Varona, Arturo Torres, Esther de Blas, Laura Cardoso e Gabriela Dueñas

CUBA E ARXENTINA, PAÍSES DE ORIXE DAS E DOS BENEFICIARIOS DAS BOLSAS OURENSE EXTERIOR

ROSA TEDÍN DUVI OURENSE 05/03/2020

Entre o alumnado estranxeiro que cada curso realiza estudos no campus de Ourense están as e os beneficiarios das [bolsas Ourense Exterior](#). Nesta ocasión son catro persoas residentes no estranxeiro, tres procedentes de Cuba e unha de Arxentina, as que estudan un mestrado ao abeiro desta iniciativa que é froito da colaboración entre a Universidade de Vigo, o Consello Social da Universidade de Vigo e a Deputación de Ourense. [+info](#).



Máis de 1000 estudantes participaron desde 2011 no programa do Ministerio de Educación

CAMPUS DO MAR REPETIRÁ POR NOVENO ANO CONSECUTIVO COMO CAMPUS CIENTÍFICO DE VERANO

M^a DEL CARMEN ECHEVARRÍA DUVI 05/03/2020

O campus de excelencia internacional da Universidade de Vigo Campus do Mar foi seleccionado por noveno ano consecutivo polo Ministerio de Educación e Formación Profesional para participar no Programa Campus Científicos de Verano, dirixido ao estudiantado cos mellores expedientes de 4º da ESO e 1º de Bacharelato de toda España. A nova edición do programa desenvolverase nunha ducia de sedes, entre elas o campus de Vigo, concretamente as facultades de Bioloxía e Ciencias do Mar, así como na Estación de Ciencias Mariñas de Toralla (Ecimat) e no Centro Oceanográfico de Vigo. [+info](#).



Agueda Gómez, Manuel Reigosa, Antía Fandiño, Nerea Dosil e Mónica Valderrama

O PREMIO UVIGUALA RECOÑECE AO ALUMNADO DA EE DE TELECOMUNICACIÓN POLO IMPULSO DOS PUNTOS LILA

EDUARDO MUÑIZ DUVI PONTEVEDRA 05/03/2020

En 2018, a celebración do patrón da Escola de Enxeñaría de Telecomunicación converteuse na primeira festa da Universidade en dotarse dun protocolo fronte ás violencias de xénero e dun 'punto lila' que posteriormente formou tamén parte doutras celebracións organizadas polo alumnado de diferentes facultades e escolas. Por ser, segundo destacou a Comisión de Igualdade da Universidade, un "unha forma de sensibilización e prevención" ante "posibles situacións de acoso sexual e por razón de sexo nas festas universitarias", un exemplo de "implicación activa do alumnado a prol da igualdade". [+info](#).



Foto de familia de autoridades e participantes neste Foro Universo Mujer

O DEPORTE FEMININO REIVINDICA OS SEUS ÉXITOS E RECLAMA VISIBILIDADE

EDUARDO MUÑOZ DUVI PONTEVEDRA 06/03/2020

No conxunto de España, onde só tres das 66 federacións deportivas están presididas por mulleres, o número de licencias deportivas masculinas triplica practicamente ao das femininas, a pesares de que o número de medallas obtido por mulleres en competicións internacionais é practicamente o dobre que o acadado polos homes. Estas foron algunhas das cifras que este venres puxeron sobre a mesa as participantes no Foro Universo Mujer, un evento dirixido a pór en valor o papel das mulleres deportistas e reivindicar unha maior visibilidade para o deporte feminino.



Nesta edición participaron na organización un equipo composto por 65 estudantes

O FORO TECNOLÓXICO DE EMPREGO RECOLLE MÁIS DE MEDIO MILLEIRO DE CURRÍCULOS EN FORMATO DIXITAL

D. BESADÍO DUVI 06/03/2020

O Foro Tecnolóxico de Emprego recolleu en apenas tres días máis de medio milleiro de currículos en formato dixital, unha cifra a que hai que sumar os documentos recollidos en papel nos propios postos das empresas e os daquelas firmas que teñen un formato propio de entrega e recollida de documentación. “A posibilidade de entregar os currículos dixitalmente foi un éxito total e as empresas están encantadas, por unha banda conseguimos reducir papel e, pola outra, tamén melloramos todas as cuestións relacionadas coa protección de datos”, explicaba intres antes da clausura a coordinadora desta edición, Candela Janeiro. [+info](#).



Águeda Gómez, Manuel Reigosa e Laura Seara

ARREDOR DO 70% DOS MEMBROS DA COMUNIDADE UNIVERSITARIA QUERE MELLORAR OS SEUS COÑECEMENTOS SOBRE IGUALDADE

DUVI OURENSE 09/03/2020

Ao abeiro dos actos organizados para celebrar e reivindicar o 8 de marzo, Día Internacional das Mulleres, a Universidade de Vigo presentou este luns no campus de Ourense unha “radiografía” sobre os coñecementos e vivencias dos seus membros arredor da igualdade. Do estudo, titulado *Valoracións, percepción e impacto das políticas de igualdade entre mulleres e homes na Universidade de Vigo*. [+info](#).



O catedrático Carlos Bravo coordina a organización do simposio

UN CONGRESO REUNIRÁ EN VIGO EXPERTOS INTERNACIONAIS EN OXIDACIÓN LIPÍDICA, UN PROCESO RESPONSABLE DA DEGRADACIÓN DOS ALIMENTOS

M. DEL RÍO DUVI 09/03/2020

Expertos e expertas de todo o mundo reuniranse en Vigo en xuño para avanzar no coñecemento da oxidación lipídica, unha das principais causas do deterioro dos alimentos xunto coa acción dos microrganismos. Este proceso químico ten un importante impacto, tanto económico como sanitario, polo que a comunidade científica trata de achegar novas perspectivas e estratexias de investigación para poder avanzar no coñecemento desta reacción química e o seu control a través de antioxidantes. [+info](#).



O acto celebrouse no Edificio de Ferro

A UNIVERSIDADE COLABORARÁ CO SECTOR DO MEL PARA A SÚA POTENCIACIÓN E DIVERSIFICACIÓN

ROSA TEDÍN DUVI OURENSE 09/03/2020

A Universidade de Vigo, a Asociación de Desenvolvemento Rural da Comarca de Ourense (Adercou), a Agrupación Apícola de Galicia e o Consello Regulador da Indicación Xeográfica Mel de Galicia colaborarán na potenciación e diversificación do sector. Será ao abeiro dun convenio marco de colaboración asinado este luns no campus de Ourense entre responsables das entidades implicadas. O primeiro proxecto será un estudo sobre os posibles usos cosméticos deste produto. [+info](#).



Alumnado realizando tarefas de voluntariado na edición do pasado mes de maio

O PROGRAMA DE VOLUNTARIADO DA OMA PERMITE ERRADICAR A FLORA INVASORA DO CAMPUS

DUVI 09/03/2020

Nos arredores do campus de Vigo, flora e fauna alóctonas invaden espazos naturais, quitándolle o seu lugar a especies autóctonas que se ven desprazadas na súa propia contorna. É por iso que a Oficina de Medio Ambiente da Universidade de Vigo (OMA) decidiu poñer en marcha hai uns anos un programa de voluntariado para a minimización de impactos ambientais e mellora de hábitats que permite que a comunidade universitaria participe na erradicación de especies invasoras. [+info](#).



O CAMPUS IMPULSA UNHA NOVA SEMANA DE RECOLLIDA DE APARATOS ELECTRÓNICOS

DUVI PONTEVEDRA 09/03/2020

Concienciar á comunidade universitaria da importancia que ten o correcto tratamento dos residuos con compoñentes contaminantes é un dos obxectivos centrais da Semana de Recollida de RAEEs (Resíduos de Aparellos Eléctricos e Electrónicos) que, no marco das accións do proxecto Green Campus, desenvolve desde este luns a súa décimo segunda edición. Ata este venres 13, as diferentes facultades e escolas do campus, a sede da Vicerreitoría, o Pavillón Universitario e a Escola Infantil do campus terán habilitado no seu acceso un punto no que a comunidade universitaria poderá depositar diferentes aparellos que funcionan con electricidade, pilas ou baterías. [+info.](#)

DIVULGARE ESTREA VÍDEO CENTRADO NA PROBLEMÁTICA DO LIXO MARIÑO

D. BESADÍO DUVI 10/03/2020

Divulgare estrea esta semana un [novo vídeo](#), un traballo centrado nesta ocasión no tema do lixo mariño co que se busca pór a disposición do público novos materiais cos que ir concienciando á sociedade sobre a dimensión dun problema con graves consecuencias para a saúde e a seguridade humana e que ocasiona tamén graves perdas económicas. [+info.](#)



AS MULLERES DO RURAL PROTAGONIZAN A PRIMEIRA ACCIÓN EN GALICIA DO MAIOR PROXECTO DE ARTE URBANA DO MUNDO

DUVI PONTEVEDRA 10/03/2020

Un cento de retratos fotográficos de mulleres rurais galegas, impresos a gran tamaño, presidirán este xoves as fachadas da Facultade de Belas Artes e da Casa Consistorial, así como o acceso á sede da Vicerreitoría do campus. Nestes tres espazos desenvolverase nesta xornada a intervención artística *Inside Out: Mulleres [Rur]Urbanas*, un proxecto impulsado por 7H Cooperativa Cultural en colaboración coa Unidade de Igualdade da Universidade de Vigo e a Concellería de Igualdade do Concello de Pontevedra. [+info.](#)



Son Trío actúa este mércores na sede da Vicerreitoría do campus

SON TRÍO PORÁ MÚSICA ESTE MÉRCORES AOS VERSOS DE ROSALÍA DE CASTRO

DUVI PONTEVEDRA 10/03/2020

Nove cancións que poñen música a unha escolma de poemas pertencentes a *Follas Novas*, de Rosalía de Castro, integran *Miña Almiña*, o primeiro disco de Son Trío, que a formación que integran Su Garrido, Susanna Blanco e Katerina Linke interpretará este mércores ás 20.00 horas na sede da Vicerreitoría do campus, nun concerto con entrada con invitación, que poden recollerse na sede da Vicerreitoría a partir de mañá mércores ás 10.00 horas e ata completar aforo.



Teresa Rivas durante a presentación do proxecto este mediodía na EE de Minas e Enerxía

SÓ UN 2% DAS MULLERES TITULADAS POLA UVIGO NO ÁMBITO DA ENXEÑARÍA NON DETECTA DISCRIMINACIÓN DE XÉNERO NOS SEUS POSTOS DE TRABALLO

M^a DEL CAMEN ECHEVARRÍA DUVI 11/03/2020

Se a presenza das mulleres nas titulacións do ámbito das enxeñarías experimentou nos últimos anos un estancamento, cando non un retroceso, a súa situación unha vez incorporadas ao mercado laboral tampouco é doada para algunhas delas. Así o reconece parte das egresadas nas titulacións que desde o ano 2005 se imparten nas escolas de Minas e Enerxía, Telecomunicación, Industriais e Forestais da Universidade de Vigo, agora incorporadas ao mercado laboral, e que participaron na enquisa do proxecto *Rendemento académico e egreso das mulleres nos graos de enxeñaría da UVigo*. [+info](#).



A conferencia de Lucía Freitas pechou os actos de celebración do Día Internacional da Muller

LUCÍA FREITAS, ESTRELA MICHELÍN: “A MIÑA É UNHA HISTORIA DE LOITA CONSTANTE, DE SUPERACIÓN

D. BESADÍO DUVI 11/03/2020

En 2018 conseguiu a súa primeira estrela Michelin e hai un par de semanas outra guía de prestixio volveu premiar o seu restaurante A Tafona con dous Soles Repsol, galardóns que recoñecen os mellores restaurantes e cociñeiros nacionais. Este mércores visitou a Facultade de Ciencias Económicas e Empresariais Lucía Freitas, a cociñeira galega máis internacional, denominada por moitos como a gran esperanza branca da cociña galega. [+info](#).



Ofelia Rey e María López

UNHA OLLADA Á MULLER E Á CULTURA NA IDADE MODERNA

DUVI OURENSE 12/03/2020

Aproveitando a celebración e a reivindicación do día 8 de marzo como Día Internacional das Mulleres, foron diversos os actos que, desde diferentes ámbitos de coñecemento, puxeron o seu foco na cuestión de xénero nas últimas semanas. Pechando esta programación no campus de Ourense, este xoves celebrouse un seminario científico centrado no papel da muller e da cultura concretamente na Idade Moderna. [+info](#).



○ Comité de seguimento COVID-19 da UVigo estudará posibles recomendacións para PAS e PDI

MÁIS DE 20.000 ESTUDANTES DA UVIGO, SEN ACTIVIDADE LECTIVA A PARTIR DESTE VENRES E DURANTE OS VINDEIROS 14 DÍAS

DUVI 12/03/2020

A Universidade de Vigo suspenderá a actividade lectiva dos seus máis de 20.000 estudantes a partir de mañá venres e durante os próximos 14 días. A institución académica viguesa atende así o anuncio realizado este mediodía polo presidente da Xunta, Alberto Núñez Feijóo, que confirmou “a suspensión da actividade lectiva e extraescolar en todos os niveis educativos”, no marco dunha serie de medidas preventivas acordadas polo executivo galego co obxectivo de deter o avance do coronavirus. [+info](#).



Divididos en grupos, as e os participantes traballaron ideas de proxectos

SEMENTANDO A INTERDISCIPLINARIEDADE ENTRE O PERSOAL INVESTIGADOR DO CAMPUS

DUVI OURENSE 12/03/2020

Un obradoiro de dúas horas de co-creación de proxectos de investigación interdisciplinares entre os membros da comunidade universitaria do campus de Ourense. Así se presentou o *Obradoiro de proxectos internacionais de elaboración de propostas conxuntas* que tivo lugar este xoves no Edificio de Ferro. [+info](#).



Fotografías na fachada de Belas Artes

OS ROSTROS DAS MULLERES RURAIS PRESIDEN A CIDADE

DUVI PONTEVEDRA 12/03/2020

As paredes da Facultade de Belas Artes, as ventás da Casa Consistorial, a cristaleira de acceso á sede da Vicerreitoría e o chan da propia praza de España atópanse este xoves presididas polos retratos a gran tamaño de 104 mulleres do rural galego realizados por 25 alumnos e alumnas de Belas Artes. En colaboración coa Unidade de Igualdade da Universidade de Vigo e o Concello de Pontevedra, 7H Cooperativa Cultural desenvolve nesta xornada en Pontevedra a instalación artística efémera *Inside Out: Mulleres [Rur]Urbanas*, a primeira iniciativa inserida no proxecto de arte urbana máis grande do mundo que se desenvolve en Galicia. [+info](#).



O congreso celebrarase os días 2 e 3 de outubro

O COVID-19 OBRIGA A ADIAR A OUTUBRO O CONGRESO INTERNACIONAL FADC

DUVI PONTEVEDRA 12/03/2020

O situación xerada pola enfermidade do coronavirus (Covid-19), que está a motivar a cancelación de numerosos actos públicos, levou ao comité organizador do congreso internacional FADC (Fashion and Design Conference) a adiar a celebración deste evento, inicialmente previsto para os días 19 e 20 de marzo. “Ante a incerteza que todos compartimos provocada polo Covid-19, vémonos na obriga de pospor o congreso”, salientou o comité organizador deste congreso internacional, promovido por Esdemga e o grupo de investigación DX7. [+info](#).

A UNIVERSIDADE ESTABLECE MEDIDAS DE FLEXIBILIDADE HORARIA E TRABAJO NON PRESENCIAL PARA O SEU PERSOAL

DUVI 13/03/2020

A Universidade de Vigo fixo público este venres o protocolo de suspensión da actividade académica tras a xuntanza do comité de seguimento do COVID-19, no que se recollen as indicacións básicas tanto para o PAS e o PDI como as medidas precisas para minimizar o impacto desta situación no proceso formativo do estudantado. O documento incide en que se suspende calquera tipo de actividade que supoña a presenza física do alumnado en dependencias da Universidade, aínda que se continuará coa formación académica virtual. [+info](#).





CARTA DO REITOR Á COMUNIDADE UNIVERSITARIA

DUVI 14/03/2020

Benqueridos compañeiros e compañeiras da comunidade universitaria,

Nestes momentos, toda Europa comparte unha prioridade absoluta: atallar os contaxios debidos ao coronavirus. Ata o de agora, seguindo as recomendacións sanitarias, non semellaba preciso tomar medidas como as que estamos a tomar, pero imos proceder ao peche dos centros co fin de que todas e todos permanezamos na casa, evitemos saír á rúa, agás para o que sexa imprescindible, e sigamos sempre as precaucións que promovemos desde o inicio (e que podeades atopar na [nosa páxina web](#) que iremos actualizando coa información institucional, a do Sergas e a do Ministerio de Sanidade). [+info.](#)



Vista a praza de Miralles este mediodía.

A UNIVERSIDADE BALÉIRASE NO PRIMEIRO DÍA DE PECHE EFECTIVO POR MOR DO CORONAVIRUS

MA DEL CAMEN ECHEVARRÍA DUVI 16/03/2020

No primeiro día laborable trala [resolución](#) do pasado sábado, na que o reitor resolvía o peche temporal de instalacións, centros e servizos da Universidade de Vigo co obxectivo de evitar a propagación do coronavirus, tanto as facultades, como as escolas, as dependencias administrativas, deportivas e comerciais dos tres campus permanecen baleiras. A prohibición de acceso, agás para o PAS, cuxos servizos esenciais quedaron hoxe fixados por unha instrución de Xerencia, como para o PDI en casos xustificados, recollida na resolución reitoral, foi atendida masivamente pola comunidade universitaria, que de xeito unánime abstívose de acudir aos seus centros de traballo. [+info.](#)



14 PERSOAS COÑECERON AS TÉCNICAS PARA FACER ENXERTOS NUN NOVO OBRADOIRO DE EXTENSIÓN UNIVERSITARIA

ANTÍA R.G. DUVI 16/03/2020

A técnica do enxerto consiste en unir dúas variedades de árbores ou plantas facendo que “solden” entre si e formen unha nova e, para conseguilo xúntanse dúas partes, o tronco ou patrón e a parte que se insire ou puga. Estes coñecementos, que en moitos casos se transmiten de xeración en xeración, centran un dos obradoiros de Extensión Universitaria deste cuadrimestre. [+info.](#)



O REITOR CHAMA Á COMUNIDADE UNIVERSITARIA A CONCIENCIARSE DA SERIEDADE DA SITUACIÓN TRAS CONFIRMARSE DOUS CASOS DE INFECCIÓN POR CORONAVIRUS

DUVI 17/03/2020

“Temos a confianza de que, máis cedo que tarde, estaredes completamente curados, e para o resto da comunidade, sirvan estes dous primeiros casos para tomar conciencia do serio da situación”. Con esta dobre mensaxe se dirixía esta noite o reitor da Universidade de Vigo, Manuel Reigosa, aos dous primeiros membros da comunidade universitaria que hoxe se confirmou que deron positivo por corononavirus, así como ao resto do PDI, PAS e alumnado da institución, aos que ademais, para reverter a situación lles lembrou “que é imprescindible que quededes na casa, salvo casos realmente xustificados e tomando todas as precaucións aconselladas”. [+info.](#)

10



Facultade de Ciencias da Educación e do Deporte do campus de Pontevedra

A CONFERENCIA DE DECANOS DE EDUCACIÓN PROMOVE UNHA ESTRATEXIA CONXUNTA PARA GARANTIR A CONTINUIDADE DA FORMACIÓN

DUVI PONTEVEDRA 18/03/2020

A Conferencia de Decanas e Decanos de Educación, da que forman parte Vicente Romo, decano da Facultade de Ciencias da Educación e do Deporte do campus de Pontevedra, e Mar García, decana da Facultade de Ciencias da Educación do campus de Ourense, acordou desenvolver unha estratexia conxunta para garantir a continuidade dos procesos formativos trala suspensión da docencia presencial decretada para facer fronte á expansión do Covid-19. [+info.](#)

A UNIVERSIDADE REFORZA A SÚA OFERTA DE TELEDOCENCIA CUN CATÁLOGO DE SALAS VIRTUAIS EN DIRECTO

Ma DEL CAMEN ECHEVARRÍA DUVI 18/03/2020

“Antes de nada, quero amosar o meu maior agradecemento e orgullo polo traballo ímprobo que están a realizar todos os Servizos Informáticos da UVigo, desde Sistemas, co control e mantemento dos servidores no CPD (Centro e Procesos de Datos); SAUM (Sistemas de Atención ao Usuario); soporte e desenvolvemento de aplicacións (personal, contabilidade, nóminas, pedidos, contratación, etc). [+info.](#)



Tras un período de probas, se prevé estes espazos on-line estarían totalmente operativos a próxima semana



CONSELLOS PARA MANTER UN ESTILO DE VIDA ACTIVO E SAUDABLE DURANTE O CONFINAMENTO

DUVI 20/03/2020

Que o confinamento derivado desta situación de alarma polo coronavirus non acabe deteriorando a nosa saúde, física e mental. Esta é unha prioridade que están poñendo sobre a mesa profesionais da medicina e da actividade física e tomada como propia pola Área de Benestar, Saúde e Deporte, que acaba de poñer en marcha unha iniciativa para achegar á comunidade universitaria propostas de hábitos saudables. Román Lago, técnico superior en Actividades Deportivas, remarca que nesta situación de confinamento é moi importante seguir “un estilo de vida activo para, como mínimo, manter o noso estado de saúde anterior.” [+info.](#)

11



IGUALDADE LANZA UN ITINERARIO FORMATIVO VIRTUAL EN XÉNERO

D. BESADÍO DUVI 20/03/2020

A crise sanitaria obríganos a permanecer confinados nos fogares, pero isto non pode servir de escusa, senón de oportunidade para aproveitar estes días para seguir formándose. Así o ven desde a Unidade de Igualdade e a Vicerreitoría de Ordenación Académica e Profesorado que, grazas ao apoio financeiro do Pacto de Estado contra a Violencia de Xénero, acaban de lanzar un [itinerario formativo virtual en xénero](#) co que poder satisfacer as necesidades de formación nesta temática da comunidade universitaria. [+info.](#)



O PDI DA UVIGO ACHEGA O SEU COÑECEMENTO E MATERIAL SANITARIO PARA A LOITA CONTRA O CORONAVIRUS

DUVI 21/03/2020

Ante o chamamento do Goberno, canalizado a través de CRUE-Universidades, para achegar información sobre os laboratorios e investigadores con experiencia na realización da proba de reacción en cadea da polimerasa (PCR), coa que se detecta o Covid-19, a Universidade de Vigo pon os seus recursos a disposición das autoridades sanitarias para loitar contra o coronavirus. Foron moitos os grupos de investigación que responderon nun tempo récord a esta demanda do Goberno, xa que a proba de PCR é unha ferramenta moi coñecida e empregada polo PDI da UVigo. [+info.](#)

Marzo 2020.



Captura da páxina web.

INVESTIGADORES DA UVIGO DESENVOLVEN UNHA WEB QUE AMOSA A ESTIMACIÓN A DOUS DÍAS VISTA DE CASOS DE CONTAXIO POR COVID-19

DUVI OURENSE 23/03/2020

O Grupo de Enxeñaría Física da Universidade de Vigo ten en marcha unha [páxina web](#) na que se pode consultar a súa predición a dous días vista de casos de contaxio de Covid-19 tanto en Galicia como no conxunto de España baseándose nos datos proporcionados diariamente polo Ministerio de Sanidade. A través de sinxelos gráficos, as persoas interesadas poden coñecer cada día a evolución da cifra de persoas contaxiadas. [+info.](#)

12



Instalacións da Biblioteca Universitaria no campus de Vigo

AS NOVAS TECNOLOXÍAS FACILITAN QUE A BIBLIOTECA UNIVERSITARIA SIGA ACTIVA

D. BESADÍO DUVI 23/03/2020

Debido ao estado de alarma e ás medidas decretadas polas autoridades universitarias e gobernamentais para tratar de frear a propagación do virus COVID-19, a [Biblioteca Universitaria](#) suspendeu desde o pasado 13 de marzo os servizos presenciais en todas os centros dos tres campus, pero isto non impediu que se sigan prestando servizos a distancia e atendendo consultas, tanto a través do correo electrónico como vía telefónica. [+info.](#)



Instalacións da Biblioteca Universitaria no campus de Vigo

REITORES, CONSELLEIRA DE EDUCACIÓN E ACSUG REÚNENSE PARA COORDINAR AS ACCIÓNS DURANTE A SUSPENSIÓN DAS CLASES

DUVI 24/03/2020

Os reitores das tres universidades galegas, Manuel Reigosa (UVigo); Antonio López (USC) e Julio Abalde (UDC) reuníronse esta mañá por videoconferencia coa conselleira de Educación, Universidade e Formación Profesional, Carmen Pomar; o secretario xeral de Universidades, José Alberto Díez de Castro e o director da Axencia para a Calidade do Sistema Universitario de Galicia (ACSUG), José Eduardo López Pereira, para coordinar as actuacións en materia universitaria durante o período de suspensión das clases. [+info.](#)

La Región

Mecánica de fluidos para los niños hospitalizados



El proyecto se desarrollará en el Álvaro Cunqueiro como parte de la formación del alumnado

Las universidades gallegas se ofrecen para hacer 2.000 test del virus al día

Estas entidades ponen a disposición de las Administraciones personal y equipos PCR

El tiempo

Tras la declaración de estado de alarma por la situación de la COVID-19, las universidades gallegas se ofrecen para hacer 2.000 test del virus al día. Estas entidades ponen a disposición de las Administraciones personal y equipos PCR.



Predicción de casos de COVID-19 en los próximos días

Evolución desde la detección del primer caso y previsión de crecimiento según la Universidad de Vigo



Fuente: Universidad de Vigo

LA VOZ

MECÁNICA DE FLÚIDOS PARA NIÑOS HOSPITALIZADOS.

La Región.

Un proyecto acercará la mecánica de fluidos a los niños hospitalizados para enseñarles ciencia de una forma divertida y amena. "Fluidos divertidos", que así se llama la iniciativa diseñada con las características de un voluntariado pero que conforma una metodología de enseñanza evaluable, será impartido por alumnos de la Universidad de Vigo en el hospital Álvaro Cunqueiro de la ciudad olívica. Allí, los estudiantes se encargarán de explicar a los más pequeños que permanecen ingresados esta parte de la Física, que estudia el comportamiento de los fluidos en distintas condiciones, así como sus propiedades. [+info.](#)

LA UNIVERSIDADES GALLEGAS SE OFRECEN PARA HACER 2.000 TEST DEL VIRUS AL DÍA.

La voz de Galicia.

Todas las universidades y centros de investigación de Galicia han ofrecido tanto al Gobierno como a la Xunta de Galicia todos sus equipos, laboratorios y personal para que sean utilizados en la lucha contra el coronavirus. Esta información ya está disponible en los centros de decisión desde hace unos días, pero en la mayoría de los casos aún están a la espera de una respuesta para movilizar todos los recursos aprovechables de forma coordinada y efectiva. [+info.](#)

GALICIA AÚN MANTENDRÁ LA SUBIDA, PERO LLEGARÁ PRONTO AL FRENAZO.

La voz de Galicia

La Universidad de Vigo crea un modelo que estima el avance de la pandemia.

Galicia acumulará hoy 1.497 positivos por coronavirus, y mañana la cifra se elevará a 1.712. [+info.](#)



A UVigo celebrou hoxe o primeiro Consello de Goberno virtual da súa historia por mor do Covid-19

MANUEL REIGOSA: “IMOS INTENTAR, SE É POSIBLE, QUE O CURSO ACADÉMICO REMATE EN PRAZO

M^a DEL CAMEN ECHEVARRÍA DUVI 24/03/2020

“Temos que aproveitar esta crise para saír máis fortalecidos e temos que dar exemplo como institución pública e facer o posible para que o sufrimento das persoas sexa o menor posible”. Con estas palabras comezaba esta mañá o reitor da Universidade de Vigo, Manuel Reigosa, a súa intervención na primeira sesión virtual que celebra na súa historia o Consello de Goberno da institución académica viguesa. [+info.](#)

14



A UNIVERSIDADE ACHEGA 4000 MASCARILLAS, CASE 100.000 PARES DE LUVAS E 1000 BATAS AO SERGAS PARA A LOITA CONTRA O COVID-19

DUVI 25/03/2020

Tras varios días inventariando e recollendo o material sanitario, este mércores a Universidade de Vigo entregou ao Sergas todos aqueles recursos que poden axudar na loita contra o COVID-19. En total, o persoal investigador reuniu preto de 4000 mascarillas de diferentes tipos, case 100.000 pares de luvas e arredor de 1000 batas desbotables, así como etanol, calzas, gafas e Kits PCR para a diagnose do coronavirus. [+info.](#)



Equipo fabricando as pantallas protectoras

UNIVERSIDADE E ASIME SUMAN FORZAS PARA PRODUCIR E DISTRIBUÍR PANTALLAS DE PROTECCIÓN FACIAL CONTRA O CORONAVIRUS

DUVI 26/03/2020

Unha iniciativa popular e sen ánimo de lucro destinada a loitar contra o coronavirus, co obxectivo de deseñar, producir e distribuír pantallas de protección facial para centros sanitarios, corpos e forzas de seguridade do estado e demais actores que loitan contra a pandemia. Isto é [EscudoCovid19](#), unha idea nacida na Universidade de Vigo, da man de José Luis Martínez Lastra, director do centro de investigación Cintecx, quen ademais coordinou para Galicia o proceso de deseño, produción e loxística da pantalla, xunto a outros investigadores do propio centro e do campus de especialización Vigo Tecnolóxico. [+info.](#)



CONSELLOS E PAUTAS PARA UN TELETRABALLO SAUDABLE

DUVI 27/03/2020

Con case a totalidade do persoal da Universidade Vigo realizando o seu traballo dende a casa durante este período de alarma, fanse necesarias unha serie de pautas que axuden a trasladar ao domicilio os labores que habitualmente se realizan nos campus. Para axudar á comunidade universitaria neste proceso, o Servizo de Prevención de Riscos Laborais da Universidade de Vigo elaborou un [manual para teletraballar dende a casa de forma saudable](#). [+info](#).

15



A UVIGO REGULA O PROCEDEMENTO PARA ADAPTAR AS METODOLOXÍAS DOCENTES E AS PROBAS DE AVALIACIÓN CONTINUA DURANTE A CRISE DO COVID-19

M^a DEL CAMEN ECHEVARRÍA DUVI 31/03/2020

“Basicamente buscamos aclarar unha serie de dúbidas que por parte do profesorado e do alumnado foron xurdido estes días respecto ao cambio na forma de impartir a docencia, que supón pasar á modalidade non presencial, e ao mesmo tempo ditar algunhas normas que ordenen un pouco estes cambios para que as disfuncións sexan as mínimas posibles”. Este é segundo Manuel Ramos, vicerreitor de Ordenación Académica e Profesorado, o obxectivo da [instrución](#) que o seu departamento acaba de facer pública e coa que, durante o período de peche de centros debido ao Covid-19, se pretende garantir a continuidade da actividade académica e o cumprimento dos obxectivos docentes deste curso 2019-2020. [+info](#).



A INDUSTRIA GALEGA ENTREGA PRETO DE 10.000 PANTALLAS PROTECTORAS AOS SERVIZOS SANITARIOS

DUVI 31/03/2020

Hai menos dunha semana que botaba a andar [Escudocovid19](#), unha iniciativa popular que une provedores de materia prima e ferramentas, centros de produción e medios lóxicos de toda España para producir pantallas protectoras fronte ao coronavirus. Nestes poucos días xa se uniron empresas de todo o país, 15 delas en Galicia, baixo a coordinación da Universidade de Vigo e Asime e xa se fixeron as primeiras entregas de material. [+info](#).

UNIVERSIDADE DE VIGO

Unidade de Análisis e Programas.

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640